



## **Máis fogares e negocios do municipio pontevedrés de Ribadumia, conectados a internet de ata 500 megas simétricos con R**

- **A finais de ano haberá 230 novas residencias particulares e empresas de núcleos de Ribadumia con cobertura das redes de nova xeración de R, que se suman aos preto de 1.000 inmobles activados o ano pasado no marco doutro proxecto do Plan Avanza**
- **O despregamento destas redes está subvencionado polos Fondos FEDER da Unión Europea a través do Programa de Extensión de la Banda Ancha de Nueva Generación (PEBA-Plan Avanza) do Ministerio de Economía e Empresa**

**Martes, 8 de setembro de 2020.-** O núcleo da Carrasqueira, no municipio pontevedrés de Ribadumia, xa dispón de accesos ultrarrápidos a internet de ata 500 megas simétricos e pode desfrutar doutros servizos avanzados de telecomunicacións grazas ás redes de nova xeración de R.

O operador galego vén de rematar alí parte das tarefas de despregamento da súa rede de fibra óptica, aproveitando ao máximo as infraestruturas deste lugar ribadumiense.

Deste xeito, arredor de **75 novos fogares e negocios** da Carrasqueira quedaron preparados para recibir os servizos avanzados de teléfono, internet de ata 500 megas simétricos e televisión dixital multicanle de R; outros **112 inmobles** nos núcleos de Cruceiro Vello e Tabueiros farán o propio a finais deste mes de setembro e a peche de ano falaremos dun total de **230 novas residencias particulares e empresas** conectadas ás redes de última xeración do operador galego.

Esta cantidade súmase ao **milleiro de fogares e empresas** que dende o ano pasado disfrutaban xa da cobertura das redes avanzadas de **R** en Ribadumia, tras conectarse a elas no marco dun proxecto anterior do Plan Avanza adxudicado tamén a **R**.

## **10 millóns de investimento e fondos europeos**

Este e outros despregamentos na provincia de Pontevedra forman parte dun dos **tres proxectos do Plan PEBA-Avanza** do Ministerio de Economía e Empresa dos que **R** resultou adxudicatario en 2018 para despregar, antes de 2021, a tecnoloxía FTTH en 512 núcleos de Galicia que non dispoñan de alta velocidade ata o momento (“zonas brancas”).

No desenvolvemento dos tres plans investiranse un total de **10M€**, dos cales preto de **8M€** serán subvencionados polos fondos FEDER da Unión Europea. En concreto, o despregamento en Ribadumia encádrase no proxecto destinado á extensión de redes de nova xeración en **162 núcleos do centro-oeste de Galicia** (norte de Pontevedra, sur da Coruña e oeste de Lugo). O investimento total neste caso é de 3,58M€, 2,86 deles subvencionados polos fondos FEDER da Unión Europea. Un segundo proxecto fala igualmente do despregamento de banda ancha de nova xeración con tecnoloxía FTTH, desta volta en **154 núcleos de municipios do noroeste de Galicia** (A Coruña, norte de Pontevedra e oeste de Lugo). Para estas actuacións, cun investimento total de 2,6M€ destinarase unha axuda dos fondos FEDER de 2,09M€. O terceiro dos proxectos adxudicados desenvolverase en **196 núcleos doutros municipios do suroeste de Galicia** (Pontevedra). Os despregamentos nestas zonas suporán un investimento total de 3,75M€, cunha subvención dos fondos FEDER de máis de 3M€.

## **65.000 fogares e negocios conectados antes de 2021**

Arredor de **32.000 novos fogares e negocios** de Galicia quedarán conectados ás redes de nova xeración de **R** cando rematen as actuacións adxudicadas en 2018 ao operador galego polo Ministerio de Economía e Empresa. A estes traballos hai que unirles as tarefas de extensión de redes avanzadas que **R** desenvolveu dende 2016 en virtude doutro concurso do Plan PEBA do Ministerio para igualmente achegarlles a tecnoloxía FTTH a diferentes “zonas brancas” da xeografía galega; en concreto, para conectar ás redes de nova xeración de **R** a outros **33.000 fogares e negocios**, cuxos servizos están xa en fase de comercialización. E así, ao remate dos dous plans, antes de 2021, preto de **65.000 novas residencias particulares e empresas** quedarán preparadas para recibir os servizos avanzados de **R**.

De feito, a día de hoxe **R** xa ten chegado coas súas redes de nova xeración a núcleos das catro provincias galegas en Cuntis, Muros, Cerceda, Abegondo, Lourenzá, Barreiros, Palas de Rei, Monterroso, Ribadumia, Meaño, Combarro, Pontecaldelas, Tomiño, Peín, Camariñas, Curtis, Ortigueira, Porto do Son, Pobra de Trives, Cariño, Boqueixón, Moraña, Guitiriz, O Grove, A Estrada, Cambados, Noia e Vilanova de Arousa.

Todas estas localidades poden desfrutar de accesos ultrarrápidos a internet de 500 megas simétricos con velocidade garantida, do desco Android 4k da televisión dixital de **R** e de pura alta definición co servizo *rebobina* para ver a tele como e cando se queira. Así mesmo, as/os clientas/es de **R** poden aforrar no seu plan de datos móbiles e conectarse de balde a arredor de 130.000 puntos da rede wificlientes **R** espallados pola xeografía galega. E todo isto, cunha atención ao/á cliente/a próxima, de calidade e sempre dende Galicia.

**comunicación R**  
[prensa@mundo-r.net](mailto:prensa@mundo-r.net)  
[R.gal](http://R.gal)

